

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEDUA  
PARLIMEN KEEMPAT BELAS**

---

**PERTANYAAN : LISAN**

**DARIPADA : TUAN KHAIRY JAMALUDDIN [ REMBAU ]**

**TARIKH : 8 JULAI 2019 [ ISNIN ]**

**SOALAN NO. 20**

Minta **MENTERI PERUMAHAN DAN KERAJAAN TEMPATAN** menyatakan berapakah jumlah permit import baharu bagi sisa plastik yang telah diluluskan selepas penetapan syarat baharu dan bilakah penyeragaman kawal selia kod tarif akan dapat dimuktamadkan bagi mengelakkan sisa plastik tidak boleh dikitar semula diimport ke Malaysia.

**JAWAPAN**

Tuan Yang di-Pertua,

1. Untuk makluman Yang Berhormat, sehingga bulan Jun 2019, sebanyak 62 syarikat telah memenuhi kesemua syarat yang telah ditetapkan oleh Kementerian Perumahan dan Kerajaan Tempatan (KPKT) dan telah lulus pemeriksaan premis di lapangan oleh pasukan pemeriksa Kementerian. Statistik syarikat pemegang Lesen Import (*approved permit-AP*) tersebut mengikut negeri adalah seperti berikut:

<b>Bil.</b>	<b>Negeri</b>	<b>Bilangan Syarikat</b>
1.	Selangor	22
2.	Pulau Pinang	18

3.	Johor	10
4.	Perak	4
5.	Kedah	3
6.	Negeri Sembilan	3
7.	Melaka	2
<b>Jumlah</b>		<b>62</b>

2. Daripada 62 syarikat tersebut, 59 syarikat merupakan pemegang AP sedia ada dan 3 syarikat merupakan pemegang AP baharu. Berdasarkan rekod Kementerian, kesemua syarikat tersebut dimiliki oleh warga tempatan.

3. Untuk makluman Yang Berhormat juga, kemasukan kontena berisi skrap plastik yang kotor ke negara ini adalah berkemungkinan berpunca daripada kesalahan membuat pengisytiharan palsu dagangan (*false declaration*) di mana pengimport telah membawa masuk skrap plastik menggunakan HS Code dagangan selain 39.15 bagi mengelak daripada memohon AP. Perintah Kastam (Larangan Mengenai Import) (Pindaan) 2015 telah meletakkan sisa plastik dengan HS Code 39.15 dalam Bahagian I, Jadual Kedua di mana semua pengimportan sisa plastik ke Malaysia adalah dilarang kecuali mendapat AP daripada KPKT termasuklah pergerakan dagangan dari Zon Perindustrian Bebas (*Free Industrial Zone*).

4. Untuk makluman Yang Berhormat, bagi penyeragaman kawal selia kod tarif plastik selain HS Kod 39.15, pihak Jabatan Kastam Diraja Malaysia (JKDM) akan mengambil tindakan sewajarnya terhadap pengimport yang melakukan kesalahan *false declaration* dagangan menurut peruntukan Akta Kastam 1967.

Sekian, terima kasih.